

# КОМСОМОЛОНЬ ВАЙГЯЛЬ

Сембе масторонь пролетариятне, пуромода марс!

ЛИСЕНДИ VI-це КИЗОСЬ

ВЛКСМ-нь Мордовский  
обкомть и Саранскяень  
горкомть газетасна

Адресь: г. Саранск, ул. Советская,  
Дом печати

МАЙТЬ  
27-ЦЕ ШИСТОНЗА  
1938 КИЗОНЯ  
59 (575)

Лисенди ковти 12-коть.

**И. В. СТАЛИН** ялгась макссь согласия баллотироваться МАССР-нь Верховнай Совету депутатокс Саранский промышленной избирательной округть эзга.

**В. М. МОЛОТОВ** ялгась макссь согласия баллотироваться МАССР-нь Верховнай Совету депутатокс Рузаевский городской избирательной округть эзга.

**Н. И. ЕЖОВ** ялгась макссь согласия баллотироваться МАССР-нь Верховнай Совету депутатокс Ардатовский городской и избирательной округть эзга.

## Москва, Кремль СТАЛИН ялгати

Родной Иосиф Виссарионович! Безграничной радостью и величайшей волнениясь минь, Саранск ошень трудящайхне кулеськ, што Тон Сталин ялгась максить эсь согласияцень баллотироваться МАССР-нь Верховнай Совету Саранск ошень промышленной избирательной округть эзга. Минь сединеке пашкет гордостьса великай честть инкса, конань Тон Сталин ялгась максить мордовский народти, честь голосовандамсь сянь инкса, кие неуклонна вьезде и вьатсь минь странаньконь ленинский кить эзга — коммунизмати молемань кить эзга, счастливай, радостнай и культурнай эряфти, кие отстоял Ленинизм партиять и народть сембе врагонзон каршес бойхнень эса, кие колма революциянь толхнень йоткова марса Ленинь мархта вьезде трудящайхнень рабочай классь диктатуранц установлениянцты и кемокстаманцты, кие гражданский войнать пингста ашесь ингольден ряттнень эса народть освобождениянц инкса тюремаса, кие великай работатнень пингста преобразовал минь странаньконь, Тонь лемце Сталин ялгась Мордовиянь трудящайхненьди, кода и сембе ламанацональной советский народти ащи тюремань боевой знаменакс сембе мирса коммунизма инкса.

Тонь инксот Сталин ялгась минь единомушна голосовандаманькен вельде минь Саранск ошень трудящайхне няфтьсась минь цветущай родинанькен сембе трудяшензон единомушной волясон и стремлениясон.

Голосовандамок Тонь инксот Сталин ялгась, минь голосовандама минь непобедимай, могучай большевиконь партианькен инкса, Ленинонь — Сталинонь партиять инкса, конач вьемазь минь коммунистический обществать васенце этапонц осуществлениянцты — социализмати.

Голосовандамок Тонь инксот Сталин ялгась, минь голосовандама международнай пролетарский революция инкса, сембе мирса социализма торжестванц инкса, сембе человечествати свободнай, счастливой эряфть инкса.

Убогай и бессильнай ульсь сире царский Россиясь. Могучайкс и обильнайкс арась Советский Союзсь. Сире Россиясь — нароттненьди тюремась, арась Тонь Сталин ялгась, руководствань вельде народонь равноправнай Союзкс.

Ленинско-Сталинский национальная политикать победанц вельде кореннек полафтовсь мордовский народть обликоц, кода и СССР-нь сембе нароттнень, тийф единая мощнай Союзнай государства.

Касы и кемокстай нароттнень



дружной семьясна. Невиданнай темпса касы и кемокстай Мордовиянь промышленностекс и велень хозяйства. Касы сонь национальнаяй культурац, кода Советский Союзонь сембе нароттнень культурасна, национальная формас коря и социалистический содержания коря.

Сире эряфть пингста мордовский народсь ульсь фкя самая угнетеннай народностекс. Аныцек Великай Октябрьский Социалистический революция победанц вельде, российский пролетариатть лезксонц вельде Ленинонь — Сталинонь партиять руководстванц ала Тонь мархотт во главе Сталин ялгась мордовский народсь получась неисчерпаемая возможность экономической и политической развития. Тийф кеме социалистический промышленность и велень хозяйства, конат осношеннайхть од оборудованьясь и техникась. Промышленностьсь и велень хозяйства кассь квалифицированной кадрань целай армия.

Сембе минь победаньке сатфт многочисленной вракнень каршес

беспошаднай тюремаса. Тонь руководствань ала Сталин ялгась славнай наркомвнуделешне, славнай Наркомть Николай Иванович Ежовть руководстванц вельде, беспощадна тапазь народонь вракнень, троцкистско-зиновьевский, бухаринский бандиттнень, буржуазнай националисттнень, фашизмать ня сивотьф пинензон, конат тяряфнеть мимс капиталисттненьди минь прекраснай родинанькен.

Минь Саранск ошень трудящайхне зоркайста карматама ваном вракнень проискаснон мельге, эрь частоня мяляфнемок Тонь указаниянть Сталин ялгась капиталистический окружениянц колга. Нинге сядя теснаста пуроптама Ленинонь — Сталинонь партиять перьф, Тонь, Сталин ялгась партиять и народть кельгома вожденц перьф.

1938 кизонь июнь 26-це шистонза сембе мордовский народсь, кода фкя ломань, нолдамок бюллетентнень кармай демонстрировать эсь любфонц и преданностенц большевиконь партиять те

вонцты и Тейть социалистический

победань гениальной творецти и организаторти. Минь родинаньконь лучшей ломанензон инкса, конат педа-пес преданнайхть Ленинонь — Сталинонь партиаснонды, Тонь Сталин ялгась сембе странань трудящайхнень великай вождьсон инкса минь единомушной голосованияньке ули сокрушительнай ударкс народонь сембе вракнень каршес, кровавай фашизмать каршес, конач тяряфнеть организавандамсь война советский государствать каршес.

Выдвигандамок Тонь, дорогой Иосиф Виссарионович, Мордовский АССР-нь Верховнай Совету васенце депутатокс, минь клянесь Тейть Сталин ялгась, што Тонь васенце терьдемаценди, минь гордостьса максаськ сембе эсь виеньконь, а кда эрявксты и эряфоньконь сембе мирса коммунизма торжестванц инкса.

Марксонь — Энгельсонь — Ленинонь — Сталинонь знамять ала минь сатомя грандиознай победат. Тяка жа знамять ала минь мольтяма инголи коммунизма од победанзонды.

Шумбра улеза минь свободнай, могучай социалистический родинаньке — СССР-сь!

Шумбра улеза социализмань Конституциять творецоц — минь родной, кельгома, МАССР-нь Верховнай Совету васенце кандидатоньке, великай Сталинц!

(Тя сьормась примаф Саранск ошень общегородской митингса, коса ульсь 20 тьожатть ломань).

## Аноклайхть выборхненди

Мокшень Оцю Пашад велеса цебарьста ладяф РСФСР-нь и МАССР-нь Верховнай Советтненьди кочкаматнень колга анокламань работась.

Сембе велесь явф комсь участва, эрь участкати кемокстаф агитатор, конач регулярнайста йотафнесыне занятятнень.

Колхозникне и афсоюзнай одломаттне цебарьста тонадозь РСФСР-нь и МАССР-нь Верховнай Советтненьди кочкаматнень колга Положениянть.

Выборхненди цебарьста анокламась ащи результатокс комсомольский организациять эрь шинь работанцты избирательхнень йоткса.

Кирдяшкин.

Пурдошанский район.



# Сталин ялгать соратниконза Л. М. КАГАНОВИЧ, К. Е. ВОРОШИЛОВ, М. И. КАЛИНИН, А. А. АНДРЕЕВ, А. А. ЖДАНОВ, Н. А. БУЛГАНИН ялгатне макссть согласия баллотироваться Мордовский АССР-нь Верховнай Совету депутатонди

## Торжественъ и радостень демонстрация

Саранск ошень трудящайхне, кудемок, што сембе угнетеннайхне вождсна, мирса сембодонга демократический Конституция творец Сталин ялгась и сонь вернай соратниконза В. М. МОЛОТОВ Н. И. ЕЖОВ ялгатне макссть согласия баллотировандамс МАССР-нь Верховнай Совету депутатокс, майть 25-це шистонза, 5 частса илять Саранск ошень трудящайхне пуромсть Советский площади, штоба няфтемс великай эсь радостьснон.

Вете частста савомок кота частти самс кеме аськолксса моразь, бодрайста молсть демонстрантонь-рабочаенъ, служащайхне, учениконъ, студентонъ, пионеронъ, школьниконъ колоннатне. Демонстрантне празднична наряжафт, кядьсост радостнайста кандыхть Сталин ялгать и сонь лучшай соратниконзон портретснон, лозунгт: „Шумбра улеза нароттне вождсна Сталин ялгась“ „Шумбра улеза коммунистонъ и беспартийнаенъ Сталинский блоксы!“ и стак тов.

ВКП(б)-нь Мордовский Обкомть секретарец Кузнецов ялгась панжезе демонстрация. Сонь валонзон сянь колга, што Иосиф Виссарионович Сталин ялгась и сонь лучшай соратниконза МОЛОТОВ, ЕЖОВ ялгатне макссть согласия баллотировандамс МАССР-нь Верховнай Совету депутатокс, де-

монстрантне сембе кода фкя фатнезъ кайги „Ура“ вайгяльса, бурнай аплодисментса.

Кузнецов ялгать выступлениядонза меле корхтасть Саранск ошень лучшай стахановецне и стахановкатне.

— Мордовский народсь оправдандасы тя величайшай чещть. Голосовандамок Сталин ялгать инкса, минь голосовандама эсь счастьяьконъ инкса, радостнай зажиточнай эряфоньконъ инкса, — корхтасть митингса консервной комбинатонъ стахановкась Журавлева ялгась.

— Минь пяк счастливайхтяма. Трудовой человечество в величайшай учителец Сталин ялгась макссть согласия баллотироваться Мордовский АССР-нь Верховнай Совету депутатокс. Величайшай радостьса минь карматама голосовандама Сталин ялгать инкса, — корхтай стахановкась Капустинась.

Тя демонстрацияса Саранск ошень трудящайхне няфтезъ аф азомшка эсь радостьснон, партияти и великай Сталинти, нефтема эсь кельго-маснон и преданностьснон, няфтезъ сянь, што синь, кода СССР-нь сембе трудящайхне июнь ковть 26-це шистонза кармайхть голосовандама коммунистонъ и беспартийнаенъ Сталинский нерушимай блокть инкса — великай Сталинть инкса.

*Ленинский машинакинъ Торбеевский станциянь рабочайхне и служащайхне, „Красноармеец“ колхозть колхозниконза и колхозницанза и торбеевский птицекомбинатть рабочаенза и служащаенза МАССР-нь Верховнай Совету депутатонди кандидатокс фкя мяльса выдвинули*

**СТАЛИН, КАГАНОВИЧ, МОЛОТОВ, ВОРОШИЛОВ, КРУПСКАЯ, МИКОЯН, БЛЮХЕР И ТРУБЧЕНКО ЯЛГАТНЕНЬ**

Ленинский машинакинъ Торбеевский станциянь рабочайхне и служащайхне эсь собраниясост, кося ульсь 120 ломатть, фкя мяльса МАССР-нь Верховнай Совету депутатонди кандидатокс выдвинули мудрай вождть и учительть Иосиф Виссарионович Сталин, Лазарь Моисеевич Каганович ялгатнень, а станя жа Мордовский АССР-нь прокурорть Василий Абрамович Трубченко ялгать ВКП(б)-нь членть, кона шачсь 1895 кизоня.

Торбеевский районь „Красноармеец“ колхозть колхозниконза и колхозницанза марстонъ собраниясост, кося ульсь 197 ломатть, МАССР-нь Верховнай Совету депутатонди кандидатокс единогласно выдвинули мирса самай демократический Конституция творец Сталин великай вождть и учительть кельговикс Иосиф Виссарионович

Сталинть, МОЛОТОВ, ВОРОШИЛОВ, КРУПСКАЯ, БЛЮХЕР и МАССР-нь прокурорть Василий Абрамович Трубченко.

Торбеевский птицекомбинатть рабочаенза и служащаенза майть 20-це шистонза общай собраниясост, кося ульсь 52 ломатть, фкя мяльса выдвинули МАССР-нь Верховнай Совету депутатонди кандидатокс Сталин, Микоян и Каганович ялгатнень и поддежали машинакинъ транспортонъ Торбеевский станциянь рабочайхне и служащайхне и „Красноармеец“ колхозть членонзон МАССР-нь Верховнай Совету депутатонди кандидатокс Торбеевский округть эзда Василий Абрамович Трубченко ялгать выдвижениянц.

*Саранск ошень Заречнай 1-це № избирательнай округсь*

Заречнай 1-це № избирательнай округонъ трудящайхне представительснон предвыборнай совещаниясост МАССР-нь Верховнай Совету депутатонди кандидатокс наметили И. В. Сталинонъ, Калининонъ, МОЛОТОВ, ВОРОШИЛОВ, ЕЖОВ, Кагановичень, Ждановонъ, Мордовский рабфаконъ преподавательница-комсомолка А. А. Толстых ялгать

Майть 23-це шистонза Саранск ошень Заречнай 1-це № избирательнай округонъ трудящайхне 100 ломаньца представительсна предвыборнай окружной совещаниясна МАССР-нь Верховнай Совету депутатонди кандидатокс единогласна поддежали рабочай-

хне, работницатнень, инженерно-технический работникнень и военнослужащайхне общай собраниясост выдвинутай Сталин, МОЛОТОВ, Калинин, ВОРОШИЛОВ, ЕЖОВ, Каганович, Жданов ялгатнень кандидатураснон.

Окружной предвыборнай сове-

шаниясь тяфта жа единогласна поддежал Мордовский рабфаконъ студентнень и Саранск ошень предприятиянень рабочайснон и служащайснон МАССР-нь Верховнай Совету депутатонди кандидатокс выдвинутай А. А. Толстых ялгать кандидатуранц и эняльдихть, штоба сон максоль согласия баллотировандамс МАССР-нь Верховнай Совету депутатонди.

Толстых ялгать колга, кода скромнай комсомолканъ, хорошей общественницанъ колга совещанияти азондозе Мордовский рабфаконъ директорсь Васильева ялгась.

Совещаниянь участникне съормадсть Заречнай 1-це № избирательнай округонъ избирательхнеди обращения и Сталин ялгати съорма.

*Ладский избирательнай округсь*

**Тельманонъ и Сталинонь лемса колхознень колхозниксна и колхозницасна, райисполкомонъ служащайхне и Лады велень единоличникне Мордовский АССР-нь Верховнай Совету депутатонди кандидатокс выдвинули**

Иван Федорович Борисовть

**Тельманонъ и Сталинонь лемса колхозонъ колхозникнень и колхозницатнень, райисполкомонъ служащайхне и Лады велень единоличникнень об'единеннай собраниянь постановлениясост**  
Собранияса ульсь 780 ломань

Обсудиндамок Мордовский АССР-нь Верховнай Совету депутатонди кандидатокс выдвижениянц колга кизефксть, Тельманонъ и Сталинонь лемса вельхозяйственнай артеленъ колхозникнень и колхозницатнень, райисполкомонъ служащайхне и Лады велень единоличникнень марстонъ об'единеннай собраниясна постановляет:

Выдвинуть Мордовский АССР-нь Верховнай Совету депутатонди

кандидатокс Ладский избирательнай округть эзда инь лучшай выдвиженецнень эзда фкя, хорошей организаторть, Резоватовский велень советонъ Буденнаенъ лемса колхозонъ председателть Иван Федорович Борисовть.

Об'единеннай собраниясь эняльди Иван Федорович Борисовти, штоба сон максольхне эсь соглашениянц баллотировандамс Ладский избирательнай округть эзда.

*Вырыпаевский избирательнай округсь*

**Полежаевть лемса в-хозартелень колхозникне и колхозницатне выдвинули Мордовский АССР-нь Верховнай Совету депутатонди кандидатокс**

**ВАЛЕНТИНА ВАСИЛЬЕВНА ЛОБАНОВАТЬ**

**Полежаевть лемса в-хозартелень колхозникнень майть 16-це шистонза пуропнеф предвыборнай собранияснон постановленияста**  
Собранияса ульсь 250 ломань

Минь, Ромодановский районь, Полежаевть лемса велень хозяйственной артеленъ колхозникне и колхозницатне, Мордовский АССР-нь Верховнай Совету депутатонди кандидатонъ выдвижениянц колга кизефксть обсуждениядонза меле, единогласна постановили наметить МАССР-нь Верховнай Совету депутатонди кандидатокс минь родинаньконъ преданнай стирени Валентина

Васильевна Лобановатъ, 1919 кизоста савомок ВКП(б)-нь член, конац работай ВКП(б)-нь Ромодановский райкомонъ секретарькс.

Минь просим Валентина Васильевна Лобановатъ максомс эсь соглашениянц баллотироваться Вырыпаевский избирательнай округть эзда Полежаевть лемса колхозонъ колхозникнень и колхозницатнень эзда.

*Шугуровский избирательнай округсь*

**Кагановичть лемса, Блюхерть лемса, „Вейсэ“ колхознень колхозниксна и колхозницасна и Шугурова велень трудящай единоличникне МАССР-нь Верховнай Совету депутатонди кандидатокс выдвинули**

Василий Георгиевич Вдовинть

**Кагановичть лемса, Блюхерть лемса, „Вейсэ“ колхознень колхозникснон и колхозницаснон и Шугурова велень трудящай единоличникнень марстонъ собранияснон постановленияста**

Собранияса ульсь 975 ломань

Минь, Кагановичть лемса, Блюхерть лемса, „Вейсэ“ колхознень колхозниксна и Шугурова велень трудящай единоличникне, единодушна выдвигаем МАССР-нь Верховнай Совету депутатонди кандидатокс Б. Березниковский Райисполкомть председателенц

Василий Георгиевич Вдовин ялгать.

Минь эняльдтяма Василий Георгиевич Вдовинти максомс эсь соглашениянц баллотироваться МАССР-нь Верховнай Совету депутатокс Шугуровский избирательнай округть эзда.



# КОМСОМОЛЬСКИЙ ЭРЯФСЬ

## АФ ШАРФНИХТЬ МЯЛЬ СОЦСОРЕВНОВАНИЯТЬ ЛАНГС

Комсомольсь и сембе трудящай одломатне народнай хозяйствать сембе отраслязон эса кирдихть оцю роль трудть производительностенц кеподемаса.

Косарев ялгась эсь речьсонза од стахановецень совещанияса призваз комсомольский соревнованиянь знамять, ала нинге сядя келептес стахановецень ряттень. Но кой-кона комсомольский организациятне тячимс нинге кржа мяль шарфнихть социалистический соревнованиять развертыванияц лангс. Вов например, Б.-Березниковский районный комсомольский организациясь соцсоревнованиять шири шарфни афсатомшка мяль. Районца 36 колхознай первичнай комсомольский организациять эзда тундань видеать васенце шинзон пингста соревновались аныцек 4 комсомольский организацият. 19 первичнай организацият включились соревнованияс аныцек май ковть 5-це шистонза, а 13 организацият тянимс нинге соревнованиять колга афи думандайхть.

Комсомольско-молодежной бригадат колхозга тундань видеамаса апаж пуроптт. Районца лувондови 12 молодежной звеньят, но сятенге работасон комсомолонь райкомсь аф содасые.

Культурнай обслуживаниясь тундань видеамаса ладяф калдывста. Формальна пуропность агитбригадат, но ня агитбригадатне ульсть аныцек кафта колхозса. Передвижной библиотекас фатяфт аныцек 19 колхозт, а сембоц районца колхозда 48.

Станяжа аф сатомшка йотафневи работась РСФСР-нь и МАССР-нь Верховнай Советтнеди выборхненди анокламать колга. Ч. Промза, Дигилевка, Бузаево и лия велетень эса РСФСР-нь и МАССР-нь Верховнай Советтнеди выборхненди колга Положениятне тонифнемасна нинге апаж ушедкшнечоль.

Май ковть 11-це шистонза ВЛКСМ-нь обкомсь эсь заседаниясонза лифтезень лангу Б.-Березниковань комсомолонь райкомть работань сембе афсатыксонзон, и указал сонь секретаренц Сарайкинть бездействияц лангс, но тя указаниятне Сарайкинць аф эряскоды пшакоткшнемост и станя жа аф эряскоды районца комсомольский работать лац ладяманцты, особенно калдывмяль шарфни соцсоревнованиять вишкоте-манц лангс.

Исламкин.

## МТС-нь первичнай комсомольский организациятне колга

ВЛКСМ-нь обкомти пачфть лама купят, што МТС-са уставнай первичнай комсомольский организациянь пуроптомать мархта, малочисленной колхознай первичнай комсомольский лама организацият срадсть. Руководствандамок ВЛКСМ-нь ЦК-ть указаниязон мархта ВЛКСМ-нь обкомсь азонкшнесы што тяфтама случайста, кда первичнай комсомольский организациясь лувондови 3—5 комсомолецт, комсомолецт трактористсь должен илядомс колхознай комсомольский организацияти.

Комсомолецне - трактористтне, конат ашихть колхознай первичнай организациясь и работайхть тоса первичнай организациянь секретарькс, кадондовихть колхознай организациятнеди ВЛКСМ-нь организациянь од выборхнен самс.

## Комсомолсь и физический культурась

Минь странаньконь гигантский хозяйственной и культурнай касомма макссь исключительна благоприятнай условия физкультурнай движениять касоманцты.

Физкультурась и спортсь комсомолть—кровнай тевоц. Физкультура и спортть вельде комсомольсь воспитывает и закаляет одломатне здоровайкс и жизнерадостнайкс.

Партиясь, правительствась и лична Сталин ялгась физкультурань и спортонь движенияи шарфнихть исключительна оцю мяль. Советский правительствась физкультурнай и спортивной движенияи эрь кизоня нолни огромнай средстват.

„Тейнек эряви касфтомс рабочаень здоровай, жизнерадостнай од поколения, конат способнай кеподемс советский странать могуществанц и арелямсонь грудью врагть нападениянц эзда (Сталин)“.

Советский Союза физкультура и спортсь служай Социалистический родинати. И Советский Странань миллионнай физкультурниконь армиясь „анок любой минутаста грудью арелямс счастливай эсь родинанц врагть нападениянц эзда“.

Капиталистический странаса спортсь служай трудовой народть угнетениянцты и порабощениянцты, империалистический од бойнять анокламанцты. И аф стак гитлеровский Германияса физкультурнай комплексти сувси питай военной тевьсь. Германияса физкультурнай работась ащи сянди, штоба физкультура вельде воспитандамс молодой поколения революционной народти ненавистень духса, капиталистический

мирса поделенай колониятне захватсонды.

Физкультура и спортсь миньценон, Советский Союза, ащи социалистический гигиенати могучай средствакс. Сон воспитывает политически грамотнай, сембе—ширьде развитай, физически сильнай од поколениянь армия.

Минь Мордовский республикасонк физкультурнай работась ладяф аф сатомшка цебарьста. Тячиень шити самс республикасу лувондови 435 физкультурнай коллектит и кружокт, конатне эса фатяфт 14500 физкультурникт. Тя цифрась крайне аф сатомшка. Ламоц райкомтне и комсомольский организациятне ашезь шарьхкодь, што физкультура и спортсь—комсомолть работанц эзда неотъемлемай. Сон организически связанай комсомолть работанц мархта. Калдывста лездыхть физкультурнай работать ладяманцты Рузаевкань, Рыбкинань, Zubovo-Поляннань комсомолонь райкомтне. Нйасак нят комсомолонь райкомтне руководительсна ашезь шарьхкодь, што эрь районца улихть сембе возможностьтне, штоба шарфтомс районца физкультурнай движенияи массавай движениякс.

Эрь комсомольский организациясь и башка комсомолецс должн физкультурнай и спортивной движенияи сядя товолдонь ладяманцты улемс застрельшикокс.

Эрь комсомолецс и комсомольский организациясь должетт тюремс сян инкса, штоба районц физкультурнай и спортивной работаса улель ба васенце вастса.

Комсомолецт и комсомолкат вишкостеть физкультурнай и спортивной работать!

## Военной училищав

Мордовский рабфакса лама студентт изъявили желания рабфакт аделамда меле модемс военной училищав. Нят студенттне йоткса сембода ламось комсомолецт. Военной училищав синь молихть цебарьста аноклафста. Ламотне синь эздост, кода комсомолецс Кипаевсь, отличнай физкультурникт, ГТО-нь, ВС-нь, ПВХО-нь и ГСО-нь значикст.

Советский од патриотне радостна учихть ся шить, мзярда синь туйхть военной училищав.

И. Дунаев.

Саранск ош.

## Права образования

Аделахшнечи учебнай кизось, Мордовский рабфаконь студенттне-выпускникне использовандамок образованияи замечательнай правать, конанц максозе советский одломаттнеди Сталинский Конституциясь, аноклайхть поступить высшай учебнай заведенияс. Ламоц выпускник студенттне эзда думандайхть кодама профессия эстиенза кочкамс?

### «УЛЬХТЯМА ВРАЧЕНС»

Студенттне выпускникне Ишмаева, Ивашкина, Филимонова, Сульдина и Тягушева ялгатне изъявили желания модемс тонафнема медицинский институту.

— Минь рабфакт аделамда меле мольтяма тонафнема Куйбышевский медицинский институту. Мьяленьке улемс врачекс. Тя теви минь особенна привлекает возможность работамс родинаь благазонза—корхтайхть Ивашкина, Филимонова, Сульдина, Тягушева и Ивашкина ялгатне.

### «УЛЬХТЯМА АРТИЛЛЕРИСТОКС»

— Минь пяк лац содасась, што будущай войнаса оцю роль кармай кирдеме артиллериясь. Родинаь ареляманцты теинок пожизненной профессиякс. Минь пецтема ульхтыма радт, кда минь примасамазь военной школас. Минь путсась сембе виеньконь, штоба оправдандамс странать доверениянц. Зорка кармаатама ваномост минь любимай родинаьконь границанзон—Корхтайхть Мельников, Дунаев, Ямушев, Фадеев ялгатне.

### «УЛЯН АВИОСТРОИТЕЛЬКС»

Кизефкесь, мезьке улемс, кодама профессия кочкамс? Мон кунаракиге ни респондаине:—корхтай III-це курсонь студентсь Ашаев ялгась.

Мон поступлю авиостроительнай институту, улян авиостроитель инженеркс.

Рабфаконь выпускникне кемоста аноклайхть экзаменты, штоба лацкас аделамс рабфакт и поступить высшай учебнай заведенияс.

## Пионерорганизацияти лездыхть

Зубово-Поляннань район. Анаю велень НСШ-са лац ладяф пионерработась.

Пионерхнен мархта аккуратнайста йотафневихть сборхт, ули пионеронь куд, коса пионерхне йотафнесазь эсь культурнай досугнон. Морсикхь струнной инструментса, налкхондыхть шашкаса, шахматса и стак тов.

Пионерский организацияти оцю лезкс максси комсомольский организациясь.

Ларионов.



Снимкаса: „Красный Маяк“ колхозть председателец П. А. Скорняковсь (стояд васенцесь кержи ширде) рамай КОГИЗ-ть (Ардатов ошса) магазинца литературат и плакатт РСФСР-нь и МАССР-нь Верховнай Советтнеди кочкаматне колга, кержи ширеса магазинть продавец А. В. Андреевась.

Фотось И. Фокинть.



# ШКОЛЬНОЙ ЭРЯФСЬ

## Эрь шиня „ваймай“

Сембе школатнень эзга ушедсть переводнай испытаниат. Штоба цебярь показател мархта йотафтомс испытаниатнень, школань директорхне и учительхне оцю вийса анокласть нят испытаниатненьди.

Но афтяфта тевсь ащи Иса-Пря велень средний школаса. Тя школаса испытаниатненьди анокламась ульсь ладяф кальдявста, сяс мес школань директорсь Лепиловсь холатнайста относитсь эсь тевонцы.

Лепиловсь школаса преподает 8-це и 9-це классненьди историйт. Сон сидеста аф якый занятияс. Выходной шиста якый Инсарав, коста аф сашенды кафта, колма шит.

Тянь сюнеда ученикнень пня кальдявгадсь дисциплинасна, школаса таргайтхь, куркстост марят всякай кальдяв вал и кальдявгадсь успеваемость. Аделамок 4-це четвертьт успеваемость няфтсь пня кальдяв результатт, ламоц ученикне тонафнихть кальдяв отметка мархта. РОНО-ти эряви ваномс Лепиловть работанц.

Инсарский.

Инсарань р-н.

## Примернай ученик и общественник

Атюревский районца средний школань 10-це класса тонафни ученикс Кшнякин ялгась, конац няфни пример кода тонафнемаса, а станя жа общественной работаса.

Районть организовандонза меле эстакига Кшнякинц кочкаф ВЛКСМ-нь районнай комитетти членкс и тяфтажа кочкаф членкс средний школань комитетти, коса няфни сембе комсомолецненьди оцю пример.

Кшнякин ялгась средний школаса работай пионервожатайкс, коса цебарьста ладязе пионерский организациять работанц. Учебнай кизоть ушедома пингста пионерда лувондовсь 25, а Кшнякин ялгась апрель ковть самс организациять кассфотзе 260 пионерс; эздост 30 пионерсь сувасть ни комсомолу.

Кшнякинц макссь комсомольский вал—пионерхнень воспитандамс коммунизмань духса, советский родинаньконь кельгоманцы, прививать теист оцю любовь, а вракненьди ненависть.

Кшнякинц станяжа эрь шиня йотафни РСФСР-нь и МАССР-нь Верховнай Советтненьди кочкаматнень колга занятият.

Кшнякин ялгась эсь цебарь общественной работанц инкса приаф ВКП(б)-нь членонь кандидатокс. Мордовский АССР-нь ЦИК-ть президиумоц сонь кемокстазе Атюревский окружной избирательнай комиссияти секретарькс. Работанц тясонга ладязе лац **Алешечкин.**

Атюревский район.

## Тевсь цебарьгодсь

Ковылкинань район. Васенда Порапа велень афполнай средний школаса пионерработась мольсь пня кальдявста, сяс мес халатнайста работась пионервожатайхне Чернов и Лопскарев ялгатне, мезенкса синь ульсь валхфт работаста.

Тяни работай пионервожатайкс Ларионов ялгась, конац работанц вятьсы планц коря; тиенди пионерхнень йоткса сборхт и беседат. Пионерхне эсь сборсост сясвь обязательства 4-це четвертьт аделамс отличнай отметка мархта. **В. Челмакин.**



Саранскяень школатнень эса ушедсть испытаниатне. Снимкаса (васенце партаса кержи ширде види шири): Галя Московская, Лида Кочетовась (омбоце партаса) Дина Калмыковась, Катя Алексеевась русский кяльса письменнай уроксот.

[Фотось П. Ивановть.

## Цебарь воспитательхть

Иса-Пря велень средний школань пионерорганизацияса лац ладяф работась пионерхнень йоткса.

Пионер вожатайкс работай Барашкинц, конац аделась пионервожатаен 9 ковань курст.

Барашкинц йотафни регулярнайста пионерский сборхт. Сборхнень эса тиендевихть испанский и китайский народть независимостонон инкса торемаснон колга докладт, тонафневихть писателень произведенийт и синь афтобиографиясна. Пионерхнень мархта йотафневихть экскурсият вири, лугав и стактов.

Тяда башка пионерхнень мархта пуневихть постановкат. Тяни цебарьста аноклайхть колхознай олимпиадаты.

Пионерорганизацияса станяжа оцю работа вятихть Сюзиева, Ушакова, Липенкина комсомолкатне, конат кемокстафт пионеротрядтненьди пионервожатайкс. Синь эсь отрядсост тя работай йотафтоманц инкса пользованияхть оцю авторитетса пионерхнень йоткса.

Тяни пионерхне оцю радость мархта жармасть йотафтома переводнай испытаниатнень. Отличниине: Сандин Васясь, Талышкина Ленась, Щанкина Валентинась и лиятне макссихть оцю лезкс отстаюцой ученикненьди.

Аделамок испытаниатнень, отлични школьниине и пионерхне улихть жучфт пионерский лагерьс.

**А. Кудашкин.**

Инсарань р-н.

## Пионерка-отличница

Сире-Сомай велень НСШ-са колмоце класса Романова пионеркась колмоце четвертьт аделазе отличнайста. Романовась школаса лувондови активнай обществен-

никакс. Пионерский отрядса вяти оцю работа. Испытаниатненьди анокласть цебарьста.

**Поляков, Чекмаев.**

Рыбкинань район.

## Тонафнихть отличнайста

М.-Пошадонь средний школаса Аношкинц и Кирдяшкинц тонафнема кизоть ушедомастонза сясвь обязательства, штоба тонафнемс аныцек отличнайста. Синь эсь обязательстваснон пашкодезь оцю показател мархта. Колмоце

четвертьста синь отметкасна ульсь аныцек отличнайхть. Тяда башка Аношкинц и Кирдяшкинц оцю лезкс максессть отстаюцой ученикненьди. Испытаниатненьди анокласть цебарьста. **Гулькин.**

Пурдошанский район.

## Соцсоревнованиять вельде

Сире-Шайговонь средний школаса педколлективсь и ученикне оцю вийса анокласть испытаниатненьди. Тянь инкса сембе преподавательхне и ученикне кемокстасть соцдоговорхт. Отстаюцой ученикнень мархта йотафневсть дополнителнай занятият, конат теест максссть оцю лезкс.

Ученикненьди эсь пингстонза

ульсь содаф испытаниань расписаниятне и сембе предметнень коряс програиматне.

Тяни школась кемоста кярмодсь испытаниатнень йотафтомаснонды. Лама ученик сембе предметнень коряс макссихть цебарь и отличнай отметкат.

**Васильев.**

Шайговонь район.

## Синь обязательствасна

Посопский средний школаса комсомолечне-ученикне цебарьста аноклайхть испытаниатненьди. Комсомолечне-ученикне Бородулинц, Богочевсь и лиятне сясвь обязательстват-испытаниатнень максомс отличнайста. Тяда башка испытаниатненьди анокласть пингста синь оцю лезкс максессть отстаю-

щай ученикненьди.

Посопский средний школась кемокстасть соцдоговор Атемарский средний школать мархта сян инкса, штоба испытаниатнень йотафтомс отличнай и цебарь показателсь.

**Суелин.**

Саранский район.

## Англо-итальянский секретнай соглашения

Нью-Йорк, майть 24-це шистонза. (ТАСС). Нью-Йоркский лама газетат печатлазь Пирсона американский журналистть сообщенияни Англиять мархта Италиять йоткса тайнай соглашениять колга. Тя соглашениясь предусматривает Италиять мархта Англо-Египетский компаниять йоткса контрактань заключениять Тана эрххть ведензон использованияснон лангса Англо-Египетский Суданть хлопковай паксянзон Ирригацияснон инкса. Тя секретнай соглашениять подробностенза, корхтай Персонць, нинге неизвестнайхть. Мзярда Чемберленць путозе англо-итальянский соглашениять парламентти утверждениясь, парламентть членонзон инь ламосна ашесть сода тя секретнай соглашениять существованиянц колга.

Пирсонть валонзон коряс, Англиясь и Италиясь ни заключили контракт Тана эрххть ведензон использованияснон колга. Контрактонь сроксь определенай 66 кизос, причем тиф оговорка, што тя срокть лисемда меле контрактсь ули продленай нинге 33 кизос. лондонский банкась паньни Му-солинити рента (Танть ведензон использованияснон инкса) 25 кизонкса инголи. Тя суммать Мусолинись использовандакшнесь Абиссинияса колонизаторский целенди.

## Партийнай военизированной организациятненьди запрещения

Прага, майть 24-це шистонза. (ТАСС). Внутренний тевонь министрть ширде максфт партиятненьди и организациятненьди „караульной службань отрядонь“ кирдемань запрещениять колга распоряжения. Общественнай порядкань собраниянь и стак тов охрнань порядкась возлагается аныцек государственнай соответствующай оргаттнень, полициять, жандармериять и войскактнень лангс. Тя распоряжениясь фактически означает Чехословакиянь народнай массатнень Генлейнатъ Судеть-немецкый партианцы фашистский штурмовой отрядонь запрещениять инкса требованияснонды удовлетворения.

## БЕК БЕРЛИНЦА

Варшава, майть 24-це шистонза. (ТАСС). Исяк Польский иностраннай тевонь министрсь Бексь Берлинть пачк тусь Стокгольма. „Иллюстрованы курьев подзеныть“ валонзон коряс, Бексь лоткай Берлину якобы с целью проинструктировать Берлинца польский посолть чехословацкий кизефксть эса Польшать позициянц колга.

Ответ. редакторть инкса **Н. АЛЕМАЕВ.**